

**ÉPREUVE ÉCRITE D'ADMISSIBILITE
EN LANGUE RÉGIONALE**

Depuis la session 2022, les épreuves des concours externes, des seconds concours internes et du troisième concours sont modifiées. L'arrêté du 25 janvier 2021, publié au journal officiel du 29 janvier 2021, fixe les modalités d'organisation du concours et décrit le nouveau schéma des épreuves.

Rappel :

L'épreuve comporte trois parties :

- Une partie consistant en un commentaire en langue corse d'un texte en langue corse.
- Une traduction d'un texte bref en langue corse, accompagnée de la réponse à des questions de grammaire.
- Le commentaire d'un document pédagogique (document pour l'enseignant, document pour l'élève, production d'élèves etc.)

L'épreuve est notée sur 20. Une note globale égale ou inférieure à 5 est éliminatoire.

Durée : 3 heures

Coefficient : 1

Le sujet comporte 3 pages.

Duve sò ind'è mè...

In casa di sicuru ; eccu la a risposta digià pronta, è fatta è lesta a vi dò. Ma sarebbe di più cumplicata issa cosa, issa risposta da dà ? A pensu.

Per principià si pò di ch'eo sò ind'è mè trà i quattru muri è sott'à u tettu chì m'anu vistu ingrandà. Ma dinù incù a famiglia, ch'elle sianu strette strette e leie cum'è babbu, mamma, mammone,
5 ... o ancu e parentie alluntanate chì si misuranu à gradi. U fattu di sente mi ind'è mè, hè liatu à u locu duve eo campu.

Corti prima, basta à lampà un'ochjata à a citadella per fà nasce un sintimu d'arradichera, d'appartenenza. Quandu si spasseghja in le strette, ch'ellu si tocca i muri di e casette anziane, ch'elle raspianu a pelle e petre, ci hè sempre qualcosa chì vene à discità lu core. Tirà si dui
10 passi in muntagna, seguitendu i chjassi pulverosi, i pulmonni gonfii da i profumi di a machja quandu muscanu i muchji o e murelle sott'à un sole abbagliulente è ch'ellu si sente u picculu rimore d'una surgente nata à mezz'à scogli. Tandu si sveglianu i mo sensi, quì ci stò bè.

Vicinu à u mare, u rimusciu di i marosuli chì viaghjanu, l'orizzonte luntanu ch'ùn si pò tuccà ; l'imbugghju di lu turchinu è di lu biancu, di la rena calda è di l'aria salita, a sciuma stanca chì
15 si ne more alliscendu u rinaghju ind'un'ultimu suspiru. È ancu i paesi persi in le valle, mi ramentu l'Ortale d'Alisgiani è u casone di la me famiglia.

Sò tutti st'elementi chì mi dicenu : « quì sù in casa toia ».

Ma forse ch'ùn hè sempre ind'è un locu precisu, ind'un spaziu o un tempu, forse chì mentre sta stonda duv'ellu si risente, sò i sintimi chì premenu è altru restu mandatu à caternu.

U soffiu lebiu di u ventu, o u soffiu zergosu d'una timpesta ch'ùn si pò parà, a musica d'un violinu o una voce, un testu in lingua corsa cù e parolle chì ci facenu avè l'imbrisciatoghja. U chjuchjulime di l'acelli sopr'à i larici, u fiume furiosu chì a si ghjoca incù e petre. Appena di terra in la manu, tuccà la è lampà la ; ch'elle sianu gioia è allegria o zerga è tristezza, tuttu stu mondu chì m'ingira mi fischja à l'arechje « Sì ind'è tè ». Una penna è un pezzu di carta à nant'à
20 un tavulinu, cù calamaru colmu d'inchjostru neru (da schiarì i so pensieri), prontu sò per scrivacciulà duie o trè cose ; pusatu, da u silenziu imbucatu, à stu mumentu mi sentu ind'è mè.

Tuttu ciò chì hè dettu quì vi parerà di poca impurtanza, inutile, sò generalità o sempre stessa canzona chì volta ma, per contu meiu, ogni stonda hè unica è t'hà a so magia.

Duve sò ind'è mè... hè dinù liatu à u fattu d'esse, sta casa ch'è no ci custruimu mentre una vita sana spechja a nostra identità.

Sò ind'è mè... in tutta a Corsica...

Petru Santu Menozzi

Ricacciato da a rivista literaria BONANOVA nu 7


1. Fate un cummentu di 'ssu scrittu appughjenduvi nant'à 'sse dumande :
 - a. I sensi è i sintimi anu un impurtanza maiò per l'autore in lu fattu di sentisi ind'è sè. In chì modu ?
 - b. Per l'autore, cosa hè chì face « casa » ?
 - c. Cum'hè fatta a leia incù u prucessu di creazione literaria ?
2. Traducite da « *u soffiu lebiu di u ventu* » (l 20) sin'à « *t'hà a so magia* » (l 28).
3. Grammatica :
 - a. Date a natura è a funzione di i dui « *a* » sottulineati (l 1) ;
 - b. Riguarate tutti i verbi di u secondu paragrafu (l 3 > l 6). Date a so forma infinitiva è u tempu adupratu.
4. Cummentu d'un documentu pedagogicu :

Eccu vi un arnese aspezzu adupratu in e scole : Cartifigure.

Publicate da a reta CANOPE, u so scopu hè di facilità e stonde di cumunicazione è di spressione urale.

Isse carte adatte à i Ciculi 2 è 3 pruponenu 200 parolle, scumpartute in 7 tematiche : a persona, l'animali, l'azzioni, a natura, i panni, à a scola.

Si presentanu cusì : d'un latu, a maghjina, da l'altu a parolla.



Prupunite ne un adopru in un quadru d'una seenza annant'à a tematica di i panni precisendu :

- U livellu di scola ;
- U scopu linguaghjaghju ;
- L'attività messe in piazza per :
 - o Scopre un lessicu novu ;
 - o Memurizà lu ;
 - o Impiegà lu.